

«ТАСДИҚЛАНГАН»
“OLOY DEHQON BOZORI” АЖ
акциядорларининг 2023 йил
23 мартағи навбатдаги умумий
йиғилиш карори билан

“OLOY DEHQON BOZORI”
aksiyadorlik jamiyatининг
УСТАВИ
(яңги таҳрирда)

Тошкент шахар-2023 й.

1. Умумий қоидалар

1.1. Ушбу Устав Ўзбекистон Республикасининг «Акциядорлик жамиятлари ва акциядорларнинг хукукларини ҳимоя қилиш тўғрисида»ги Қонуни (матн давомида - Қонун) ва бошка Қонунчилик асосида ишлаб чикилган.

1.2. “Oloy dehqon bozori” aksiyadorlik jamiyati (бундан бўён “Жамият” деб номланади) хўжалик юритиш хукукига асосланган жамият сифатида тижорат, хўжалик ва бошка ҳар қандай Қонунда тақиқланмаган фаолиятларни амалга ошириш учун ташкил топган мустакил хўжалик юритувчи субъект бўлиб хисобланади.

1.3. Жамият ўз фаолиятини Ўзбекистон Республикасининг Фукаролик кодекси, «Акциядорлик жамиятлари ва акциядорларнинг хукукларини ҳимоя қилиш тўғрисида»ги Қонуни (06.05.2014й. ЎРҚ-370-сон) ва бошка меъёрий-хукукий хужжатларга мувофиқ олиб боради.

1.4. Жамиятнинг тўлиқ фирма номи:

Ўзбек тилида:

- лотин алифбосида: “Oloy dehqon bozori” aksiyadorlik jamiyati;
- кирилл алифбосида: “Олој деҳқон бозори” акциядорлик жамияти,

Инглиз тилида:

Joint stock company “Oloy dehqon bozori”

Рус тилида:

- акционерное общество “Oloy dehqon bozori”;

1.5. Жамиятнинг қискартирилган фирма номи:

Ўзбек тилида:

- кирилл алифбосида: “Oloy dehqon bozori” АЖ;
- лотин алифбосида: “Oloy dehqon bozori” AJ;
- рус тилида: АО “Oloy dehqon bozori”;
- инглиз тилида: JSC “Oloy dehqon bozori”.

1.6. Жамиятнинг жойлашган ери (почта манзили): Ўзбекистон Республикаси, Тошкент шаҳри, Юнусобод тумани, А.Темур кўчаси 40 уй

1.7. Жамиятнинг электрон почта манзили: Oloy.dehqonbozori@mail.ru.

1.8. Жамиятнинг расмий веб.сайти: www.loy-bozori.uz

2. ЖАМИЯТНИНГ ХУҚУКИЙ ХОЛАТИ

2.1. Жамият юридик шахс хисобланади ва ўзининг мустакил балансида хисобга олинадиган алоҳида мол-мулкига эга бўлади, ўз номидан мулкий ва шахсий номулкий хукукларни олиши ҳамда амалга ошириши, зиммасига мажбуриятлар олиши, судда даъвогор ва жавобгар бўлиши мумкин.

2.2. Жамият давлат рўйхатидан ўтказилган кундан бошлаб юридик шахс хукукларига эга бўлади.

2.3. Жамият белгиланган тартибда Ўзбекистон Республикаси ҳудуди ва ундан ташкарида банкдан хисоб вараклари очишга ҳаклидир.

2.4. Жамият ўзининг фирма номи давлат тилида тўлиқ ёзилган ҳамда жойлашган манзили кўрсатилган юмолақ муҳрига эга бўлади.

2.5. Жамият ўз номи ёзилган штамп ва бланкаларига, ўз тимсолига, шунингдек белгиланган тартибда рўйхатдан ўтказилган товар нишонига, ҳамда бошка ўз белги аломатларига эга бўлишига ҳаклидир.

2.6. Жамият қонун хужжатларида такикланмаган фаолиятининг ҳар қандай турларини амалга ошириш чоғида ҳукукларга эга бўлади ва мажбуриятларни ўз зиммасига олади.

3. ЖАМИЯТ ФАОЛИЯТИНИНГ РЎЙХАТИ.

3.1. Акциядорлик жамияти хўжалик фаолиятини хўжалик ҳисоби ва ўзини ўзи маблаг билан таъминлаш принципларидан фойдаланиш, жамият акциядорлари ва меҳнат жамоасининг моддий ҳамда ижтимоий эҳтиёжларни қондириш мақсадида амалга оширади.

3.2. Кўзланган мақсадга мувофик қўйидагиларни амалга оширади:

- Қишлоқ хўжалиги, озиқ – овқат маҳсулотлари ва уни қайта ишлашдан олинадиган маҳсулотлар, ёрдамчи ва хунармандчилик корхоналари маҳсулотлари савдосини ташкил килиш учун керакли шароитларни яратиш;

- Кенг турдаги қишлоқ хўжалиги, озиқ –овқат маҳсулотларининг ва уни қайта ишлашдан олинадиган маҳсулотларнинг савдо расталари, савдо ўринлари, тургун савдо шаҳобчалари (шу жумладан савдо павильонлари, киоскалари) дан фойдаланган ҳолда чакана ва майда улгуржи олди – соттисини амалга ошириш;

- жисмоний ва юридик шахсларга ўз тасарруфидаги биноларни ижарага бериш;

- хўжаликлар ва аҳолининг маҳсулотларини сотиш учун жалб килиш мақсадида реклама ва бошка тадбирларни ташкил килиш;

- озиқ – овқат ва товарларни ишлаб чиқариш мақсадида керакли бозор хизмати инфраструктурасини яратиш;

- четдан товарларни жалб килиш, шахсий товарларни ишлаб чиқариш ва уларни сотиш аҳолига, ташкилот ва корхоналарга хизмат кўрсатиш;

- Ўзбекистон Республикаси конунларига биноан ташки иқтисодий фаолият кўрсатиш;

- тижорат, дорихона, савдо – харид корхоналари, умумий овқатланиш шаҳобчалари очиш;

- жамият таркибидаги савдо харид корхонаси орқали жисмоний шахслар, дехкон фермер ва жамоа хўжаликларидан қишлоқ хўжалиги, озиқ – овқат маҳсулотларини ва уларни қайта ишлашдан олинадиган маҳсулотларни харид килиш ва ушбу маҳсулотларни корхона, муассаса ва ташкилотларга улгуржи сайдоси орқали сотиш ҳамда жамият ихтиёридаги дўконлар орқали чакана сотиш;

- савдо – харид фаолияти, улгуржи ва чакана савдо;

- умумий овқатланиш соҳасида хизмат турларини кўпайтириш, ресторон, кафе, барлар очиш, миллий ва европа таомларини тайёрлаб сотиш;

- жисмоний шахс ёки ҳуқукий шахс ҳуқуқини берувчи, шу жумладан тижорат корхоналарини, марказларини ташкил килиш;

- пуллик авто турар жойларини, майший хизмат кўрсатиш шаҳобчаларини, кирхоналар, сартарошхоналар, косметолог корхоналари ва салонлар, бошка майший хизмат шаҳобчаларини ташкил этиш ва улардан фойдаланиш, аҳоли ва корхоналар учун майший хизмат кўрсатиш;

- ҳар-хил қандолат моллари, салқин ичимликлари, музкаймок ишлаб чиқариш ва сотиш;
- ун тайёрлаш ва саклаш, қайта ишлеш, нон ва нон маҳсулотлари ишлаб чиқариш ва сотиш;
- тижорат, савдо-сотик ва савдо-воситачилик фаолияти;
- томошалар, шоу ўйинлари, лотериялар, ижодий мусобақалар, кечалар, учрашувлар, тантаналар, спорт тортишувлари ва беллашувлари, бошка маданий-оқартув, спорт согломлаштириш ва томоша тадбирларини ташкил этиш ва ўтказиш шунингдек, бундай тадбирларда қатнашиш;
- бинолар ва уйларни куриш, эгаллаш, ташкил этиш, лизинг шартлари бўйича ёки бошка асосларда ижарага бериш, шунингдек улардан фойдаланиш, дўконлар, универсамлар, супермаркетлар, савдо уйлари, ярмаркалар, киосклар, лотоклар, савдо жойлари ва бошка савдо объектларини ташкил этиш;
- кимматли қофозлар чиқариш, сотиш, сотиб олиш ва саклаш, улар билан бошка операциялар ўтказиш;
- лойиха-смета ҳужжатларини тузиш ва ишлаб чиқиши, лойихалашизланиш, курилиш, курилиш-монтаж, юргизиш-тузатиш, таъмирлаш ва пардозлаш бўйича ишларни ташкил этиш ва ўтказиш, уй-жой фонди, саноат, хизмат учун ижтимоий ва маданий-маший бинолар, иншоотлар ва объектларнинг қайта курилишини амалга ошириш;
- риэлектерлик фаолияти, кўчмас мулк объектларини эгаллаш, фойдаланиш, ижарага бериш ва сотиш, кўчмас мулк билан бошка операцияларини амалга ошириш;
- стационар ва кўчма авто ёкилги қуиши шахобчаларини ташкил этиш ва улардан фойдаланиш, мамлакатда ишлаб чиқарилган ва чет эл маркали автомобиллар, ҳар-хил транспорт воситалари ва бошка техникага техник хизмат кўрсатиш ва тузатиш корхоналарининг тармогини тузиш ва улардан фойдаланиш;
- бозор конъюктурасини ўрганиш, сотиладиган товарларни баҳо ва баҳоларни ташкил килишини ўрганиш, ички ва ташки ҳамкорлар билан алокаларни тиклап тадбирларни ўтказиш;
- Қонунда тақиқланмаган бошка фаолият турлари билан шуғулланиш ва ташкил этиш.

3.3. Жамият рухсатнома зарур бўлган фаолият билан шуғулланиши ҳуқукига, бундай рухсатнома олгандан сўнг ёки рухсатномада кўрсатилган давр ичидаги ушбу фаолият билан шуғулланиши мумкин.

3.4. Жамият кўрсатилган фаолиятни бажариш мақсадида аукционларда, биржада бошка савдода, ярмаркаларда, фонд ва товар бозорларида тижорат тадбирларида катнашиши мумкин, у шартномалар, битимлар ва битишувлар тузади, турли юридик актлар ва битимлар, шу жумладан кредит-хисоб, касса муаммоларини амалга оширади.

3.5 Жамиятнинг фаолияти муддати чекланмаган.

4. ЖАМИЯТНИНГ ҲУҚУҚ ВА МАЖБУРИЯТЛАРИ

4.1. Ўз фаолиятини амалга ошириш ва олдида турган вазифаларни очиш учун Жамият қуидағи ҳуқуқларига эгадир:

белгиланган тартибда банкларда турли, шунингдек валюта хисоб ракамларини очиш, банк кредитлари ва ссудаларини олиш, амалдаги қонунчилик асосида ҳар

кандай тўлов шакларини бериш ва акцептлаш, айирбошлиш (валюта алмаштириш) тартибига асосан ваколатли банклар оркали ўз маблағларини айрибошлиш;

ўзининг ишлаб - чиқариш ва хўжалик фаолиятини ҳамда ижтимоий ривожлантириш жамғармаларини мустакил режалаштириш;

Ўзбекистон Республикасининг амалдаги қонунчилиги асосида мустакил равишда ўз карамогидан (балансидан) мол - мулк, карз, камомад, бошқа зиёнларини чиқариш;

Жамият Уставида белгиланган масалаларни бажариш учун зарур бўлган ишлаб чиқариш - техник йўналишидаги маҳсулотлар, хом - ашё, материаллар, транспорт сотиб олиш;

хомийлик ва хайрия фаолиятни амалга ошириш;

қонунчиликка мувофик, ўз ходимлари учун кўшимча иш таътиллари, кискартирилган иш куни, иш тартиби ва бошқа ижтимоий имтиёзларни ташкил этиш;

4.2. Жамиятнинг тижорат сирини ташкил этувчи маълумотлар ошкор этилиши мумкин эмас.

4.3. Жамиятнинг мансабдор шахслари ва хизматчилари Жамиятнинг тижорат сирини ошкор килганлик учун қонунчиликда белгиланган тартибда жавобгар бўладилар.

4.4. Жамиятнинг тижорат сири тоифасига киритилган ахборот билан Жамиятда ишлаш тартиби ва у билан ишлаш тартибини бузганлик учун жавобгарлик жамият директори томонидан белгиланади.

5. ЖАМИЯТ УСТАВ ФОНДИНИНГ МИҚДОРИ.

5.1. Жамиятнинг устав фонди акциядорлар сотиб олган жамият акцияларининг номинал кийматидан ташкил топади.

5.2. Жамиятнинг Устав фонди 1 849 174 000 (бир миллиард саккиз юз кирк туккиз миллион бир юз етмиш турт минг) сўмни ташкил қиласи ҳамда номинал қиймати 1000 (бир минг) сўм бўлган 1 849 174 (бир миллион саккиз кирк туккиз минг бир юз етмиш турт) дона оддий эгасининг номи ёзилган акцияларга бўлинган, улардан 100% акциялар жойлаштирилган.

а) Жамиятнинг устав капиталини кўпайтириш

5.3. Жамиятнинг устав фонди кўшимча акцияларни жойлаштириш йўли билан кўпайтирилиши мумкин.

5.4. Жамиятнинг устав фондини кўпайтириш тўғрисидаги ва жамият уставига тегишли ўзгартаришлар киритиш ҳакидаги карорлар жамиятнинг кузатув кенгаси томонидан кабул килинади.

5.5. Кўшимча акциялар Жамият томонидан ушбу уставда белгиланган эълон килинган акциялар сони доирасидагина жойлаштирилади.

5.6. Акциядорларнинг умумий йигилиши жамият чиқарига ҳакли бўлган эълон килинган акциялар микдорини белгилайди.

5.7. Кўшимча акциялар Жамият томонидан ушбу уставда белгиланган эълон килинган акциялар сони доирасидагина жойлаштирилади.

5.8. Жойлаштирилган акцияларга кўшимча тартибда жамият умумий киймати 13 801 335 000 (ун уч миллиард саккиз юз бир миллион уч юз уттиз беш минг) сўмлик, номинал қиймати 1000 (бир минг) сўм бўлган 13 801 335 (ун уч миллион саккиз юз бир минг уч юз уттиз беш) дона оддий акцияларни чиқарига ҳакли.

б) Жамиятнинг устав капиталини камайтириш

5.9. Жамиятнинг устав капитали акцияларнинг номинал қийматини камайтириш ёки акцияларнинг умумий сонини кисқартириш йўли билан, шу жумладан акцияларнинг бир кисмини кейинчалик бекор килган ҳолда жамият томонидан акцияларни олиш йўли билан камайтирилиши мумкин.

5.10. Жамиятнинг устав капиталини камайтириш тўғрисидаги ва жамият уставига тегишли ўзгартишлар киритиш ҳакидаги карорлар акциядорларнинг умумий йигилиши томонидан қабул килинади.

5.11. Жамиятнинг устав капиталини камайтириш тўғрисида карор қабул қилинаётгандан акциядорларнинг умумий йигилиши устав капиталини камайтириш сабабларини кўрсатади ва уни камайтириш тартибини белгилайди.

6. ЖАМИЯТ АКЦИЯЛАРИ БЎЙИЧА ДИВИДЕНДЛАР ТЎЛАШ ТАРТИБИ

6.1. Дивиденд жамият соф фойдасининг акциядорлар ўртасида таксимланадиган кисмидир.

6.2. Жамият акцияларнинг ҳар бир тури бўйича эълон килинган дивидендларни тўлаши шарт.

6.3. Дивиденд акциядорларнинг умумий йигилиши карорига кўра пул маблағлари ёки бошка конуний тўлов воситалари ёхуд жамиятнинг кимматли қоғозлари билан тўланиши мумкин.

6.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра, жойлаштирилган акциялар бўйича дивидендлар тўлаш тўғрисида карор қабул килишга ҳакли.

6.5. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги карори тегишли давр тутагандан кейин уч ой ичida қабул килиниши мумкин.

6.6. Акцияларнинг ҳар бир тури бўйича дивидендлар тўлаш, дивиденднинг микдори, уни тўлаш шакли ва тартиби тўғрисидаги карор жамият кузатув кенгашининг тавсияси, молиявий хисоботнинг ишончлилиги ҳакида аудиторлик хуносаси мавжуд бўлган тақдирда, молиявий хисобот маълумоглари асосида акциядорларнинг умумий йигилиши томонидан қабул килинади. Дивидендларнинг микдори жамият кузатув кенгashi томонидан тавсия этилган микдордан кўп бўлиши мумкин эмас. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

6.7. Жамият томонидан оддий акциялар бўйича хисобланган дивидендларни тўлаш акциядорларнинг дивидендларни олишига бўлган teng хукукларига риоя этилган ҳолда амалга оширилади.

6.8. Дивидендларни тўлаш муддати ва тартиби акциядорларнинг умумий йигилиши қарорида белгиланади. Дивидендларни тўлаш муддати шундай карор қабул килинган кундан эътиборан олтмиш кундан кеч бўлмаслиги лозим.

6.9. Жамият тузилган шартномага мувофиқ Марказий депозитарий ва (ёки) инвестиция воситачилари оркали дивидендлар тўловини амалга ошириш хукукига эга;

6.10. Эгаси ёки эгасининг конуний хукукий вориси ёхуд меросхўри томонидан уч йил ичida талаб қилиб олинмаган дивиденд акциядорларнинг умумий йигилиши қарорига кўра жамият ихтиёрида колади.

6.11. Жамият Ўзбекистон Республикаси норезидент акциядорининг ёзма талабига кўра унга хисобланган дивидендларни эркин айирбошланадиган валютага айирбошлаб, маблағларни норезидент акциядор тақдим этган банк хисобварагига ўтказиб бериши шарт.

6.12. Жамият акциядорларининг реестридан олинган, жамият томонидан тасдикланган кўчирма ҳамда жамият бухгалтериясининг хисобланган дивидендлар суммаси ва улар хисобланган сана тўғрисидаги маълумотномаси айрбошлан учун асос бўлиб хизмат килади.

6.13. Жамият дивидендларнинг микдорини улардан ундириладиган соликларни инобатга олмаган ҳолда эълон қиласи. Жамият тўланадиган дивидендлар микдори тўғрисидаги маълумотларни кимматли қозулар бозорини тартибга солиш бўйича ваколатли давлат органининг ва жамиятнинг расмий веб-сайтларида конунчиликда белгиланган муддатларда эълон қиласи.

7. ЖАМИЯТНИНГ ЗАХИРА ФОНДИНИ ТАШКИЛ ЭТИШ ТАРТИБИ.

7.1. Жамият соф фойда хисобидан захира фондини ҳамда жамият фаолияти учун зарур бўлган бошка фондларни акциядорларнинг умумий йигилишида ташкил этади.

7.2. Жамиятнинг захира фонди, бошка маблағлар мавжуд бўлмаган тақдирда, жамиятнинг заарлари ўрнини қоплаш, жамиятнинг корпоратив облигацияларини муомаладан чиқариш, имтиёзли акциялар бўйича дивидендлар тўлаш ва жамиятнинг акцияларини кайтариб сотиб олиш учун мўлжалланади. Захира фондидан бошка мақсадларда фойдаланиш мумкин эмас.

7.3. Жамият устав капиталининг 15 фоизидан кам бўлмаган микдорда жамият захира фонди тузилади.

7.4. Жамият захира фондига ушбу уставнинг 7.3-бандида белгиланган микдорга етгунига кадар ҳар йили соф фойдадан 5% микдорида ажратмалар ўтказилади.

7.5. Захира фонди тўлалигича ёки кисман сарфланиб бўлган ҳолларида, мажбурий ажратмалардан тикланади.

8. ЖАМИЯТ БОШҚАРУВИННИНГ ТУЗИЛМАСИ

8.1. Жамият бошқарув органлари - Акциядорларнинг умумий йигилиши, Кузатув кенганини ва Ижроия орган (Директор).

9. ЖАМИЯТ АКЦИЯДОРЛАРИНИНГ УМУМИЙ ЙИГИЛИШИ.

9.1. Акциядорларнинг умумий йигилиши жамиятнинг юкори бошқарув организидир.

9.2. Жамият ҳар йили акциядорларнинг умумий йигилишини (акциядорларнинг йиллик умумий йигилишини) ўтказиши шарт. Акциядорларнинг умумий хисбот йигилиши молия йили тугаганидан кейин кўпли билан олти ой ичидаги ўтказилади.

Акциядорларнинг йиллик умумий йигилишида жамиятнинг кузатув кенганини ва тафтиш комиссиясини сайлаш тўғрисидаги жамиятнинг яккабошлиқ асосидаги ижроия органи (бундан буён матнда "Директор" деб юритилади) билан тузилган шартноманинг муддатини узайтириш, уни кайта тузиш ёки бекор килиш мумкинлиги хакидаги масалалар ҳал этилади, шунингдек ушбу уставнинг 9.5 бандига мувофик жамиятнинг йиллик хисботини, жамият ижроия органи ва кузатув кенганининг жамиятни ривожлантириши стратегиясига эришиш бўйича кўрилаётган чора-тадбирлар тўғрисидаги хисботлари, йиллик бизнес-режасини тасдиқлаш, жамиятнинг фойдаси ва заарларини таксимлаш ва бошка хужжатлар кўриб чиқилади.

Акциядорларнинг йиллик умумий йигилишидан ташкари ўтказиладиган умумий йигилишлари навбатдан ташкари йигилишлардир.

Акциядорларнинг умумий йигилишини ўтказиш чоғида умумий йигилишда, кун тартибидаги масалаларни мухокама килиш ва овозга қўйилган масалалар бўйича

карорлар кабул килишда иштирок этиш имкониятини берадиган ахборот-коммуникация технологияларидан фойдаланиши мумкин. Акциядорларнинг умумий йигилишида ахборот-коммуникация технологияларидан фойдаланган ҳолда масофадан туриб иштирок этиш ва масофадан туриб электрон овоз беришнинг умумий тартиби кимматли көзозлар бозорини тартибга солиш бўйича ваколатли давлат органи томонидан белгиланади;

9.3. Барча оддий акциялар битта акциядорга тегишли бўлган ҳолатда акциядорларнинг умумий йигилиши ўтказилмайди.

9.4. Жамият устави билан акциядорларнинг умумий йигилиши ваколатига киритилган масалалар бўйича карорлар бундай акциядор томонидан якка тартибда кабул килинади ҳамда ёзма шаклда расмийлаштирилади. Бунда, жамият акциядорларининг умумий йигилишига тайёргарлик кўриш, уни чакириш ва ўтказиш тартибини ҳамда муддатларини бўлгиловчи коидалари кўлланилмайди, акциядорларнинг йиллик умумий йигилишини ўтказиш муддатларига таалукли коидалар бундан мустасно.

9.5. Акциядорлар умумий йигилишининг ваколат доирасига қўйидагилар киради:

- жамият уставига ўзгартиш ва кўпимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- жамият кузатув кенгашининг ва миноритар акциядорлар кўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- эълон килинган акцияларнинг энг кўп миқдорини белгилаш;
- жамиятнинг устав капиталини кўпайтириш;
- ўз акцияларини олиш;
- жамиятнинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;
- жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги низомни тасдиқлаш;
- жамиятнинг йиллик хисоботини, йиллик бизнес-режасини тасдиқлаш, шунингдек жамият фаолиятининг асосий йўналишлари ва мақсадидан келиб чиккан ҳолда жамиятни ўрта муддатга ва узоқ муддатга ривожлантиришнинг аник муддатлари белгиланган стратегиясини тасдиқлаш
- жамиятнинг фойдаси ва заарларини тақсимлаш;
- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида карор кабул килиш;
- кимматли көзозларнинг ҳосилаларини чиқариш тўғрисида карор кабул килиш;
- жамиятнинг корпоратив облигацияларини қайтариб сотиб олиш тўғрисида карор кабул килиш;
- имтиёзли ҳуқукни кўлламаслик тўғрисида карорни қабул килиш;
- акцияларни жойлаштириш (ташкил этилган кимматли көзозлар савдоларига чиқариш) нархини белгилаш;
- акциядорлар умумий йигилишининг регламентини тасдиқлаш;
- акцияларни майдалаш ва йириклиштириш;
- жамиятнинг ижроия органига тўланадиган ҳак ва компенсацияларни, шунингдек уларнинг энг юкори миқдорларини белгилаш;

- аудиторлик текшируванинің түкәзіш тұғрисіда, аудиторлик ташкилотиниң үнинг хизматларында тұланадиган ҳақнинг әңг күп міқдорини белгилаш ҳакида қарор қабул қилиш;
- конунчилікта белгіланған холларда жамият томонидан йирик битимлар да жамият аффиланған шахслари билан битимлар тузиш тұғрисіда қарор қабул қилиш. Бунда жамиятнинг аффиланған шахси билан активларининг қиймати жамият соғ активлари қийматининг ўн ёки ундан күп фоизини ташкил этадиган битим ёки йирик битим тузиш тұғрисидеги қарорлар мол-мұлкнинг қонунчилікка мувофік бағоловчи ташкилот томонидан белгіланған бозор қиймати хисобға олинган, мұстакіл ташкил аудиторлик ташкилоти томонидан битимнинг шартлари ўрганилған холда мажбурий тартибда қабул қилинади
- конунчилікка мувофік бошқа масалаларни ҳал этиш.

Жамият кузатув кенгашиның да тағтиш комиссиясынинг ўз ваколат доирасынан кирадиган масалалар юзасидан, шу жумладан жамиятни бошқаришга доир конунчилікта белгіланған талабларға риоя этилиши юзасидан жамият кузатув кенгашиның хисоботларини да тағтиш комиссиясынинг хulosаларини эшитиш, йирик битим тузиш масаласы бүйіча жамият кузатув кенгашиның яқдиллігіне эришилмаган тақдирда йирик битим тузиш тұғрисидеги масала кузатув кенгашиның қарорига күра акциядорларнинг умумий үйгілиши ҳал қилиши учун олиб чиқылғандаги масала да баланс қиймати ёки олиш қиймати битим тузиш тұғрисіда қарор қабул қилинаёттан санада жамият соғ активлары міқдорининг эллик фоизидан ортигини ташкил этувчи мол-мұлк хусусида йирик битим тузиш тұғрисидеги масалалар бүйіча қарор, аффиланған шахс билан тузилаёттан битимни маъқуллаш ҳақидаги қарор, акциядорлар умумий үйгілиши томонидан акциядорларнинг умумий үйгілишида иштирок этаёттан овоз берувчи акцияларнинг әгалари бўлган акциядорларнинг тўртдан уч кисмидан иборат кўпчилик (малакали кўпчилик) овози билан қабул қилинади. Бошқа масалалар бүйіча қарорлар оддий кўпчилик овози билан қабул қилинади.

Солиқса оид ёки давлат олдидағи бошқа қарздорлик хисобига жамият устав фондидағи давлат улушини шакллантириш ёки ошириш тұғрисидеги қарор жамият акциядорлари умумий үйгілиши томонидан жамиятнинг жойлаштирилған овоз берувчи акцияларнинг камидан учдан иккى кисми әгалари бўлган акциядорларнинг (давлатдан ташкари) розилиги мавжуд бўлган тақдирда, акциядорларнинг оддий кўпчилик овози билан қабул қилинади.

Акциядорлар умумий үйгілишининг ваколат доирасынан кирилтілган масалалар жамиятнинг ижроия органды ҳал қилиши учун берилеш мүмкін эмес.

9.6. Жамият акциядорлари умумий үйгілишининг ваколат доирасынан кирилтілган масалалар жамиятнинг кузатув кенгаши ҳал қилиши учун берилеш мүмкін эмес, куйидаги масалалар бундан мустасно:

- жамиятнинг устав фондини (устав капиталини) кўпайтириш, шунингдек жамият уставында жамиятнинг устав фондини (устав капиталини) купайтириш билан боғлик ўзгартириш ва кўшимчалар киритиш;
- Акцияларни жойлаштириш (ташкил этилган кимматли қоғозлар савдоларига чиқариш) нархини белгилаш;
- қимматли қоғозларнинг ҳосилаларини чиқариш тұғрисида қарор қабул қилиш;
- жамиятнинг ижроия органдын тузиш, үнинг раҳбарини сайлаш (тайинлаш), раҳбарнинг ваколатларини муддатидан илгари тутатиши;

- жамиятнинг ижроия органига тўланадиган ҳак ва компенсациялар миқдорларини белгилаш;
- бошқа конунчиликда тақиқланмаган умумий йигилиш карорлари билан бериладиган масалалар.

9.7. Акциядорларнинг умумий йигилиши томонидан кабул килинган карорлар, шунингдек овоз бериш якунлари ушбу карорлар кабул килинган санадан эътиборан ўтиз кундан кечиктирмай акциядорлар эътиборига етказилади.

9.8. Жамият акциядорлар умумий йигилиши Жамиятнинг «Акциядорлар умумий йигилиши тўғрисида»ги Низом асосида чакирилади ва ўтказилади.

10. ЖАМИЯТ КУЗАТУВ КЕНГАШИ.

10.1. Жамият Кузатув кенгаши Жамият фаолиятига умумий раҳбарликни амалга оширади, акциядорлар умумий йигилишининг мутлак ваколатига тааллукли масалалар бундан мустасно.

10.2. Акциядорлар умумий йигилишининг карорига кўра жамият кузатув кенгашининг аъзоларига улар ўз вазифаларини бажариб турган давр учун ҳак тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳак ва тўловларнинг миқдорлари акциядорларнинг умумий йигилиши карорида белгиланади.

10.3. Жамият кузатув кенгашининг ваколат доирасига қўйидагилар киради:

- жамиятни ривожлантириш стратегиясига эришиш бўйича кўрилаётган чоратадбирлар тўғрисида жамият ижроия органининг ҳисботини мунтазам равишда эшишиб борган ҳолда жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йигилишларини чакириш, конунчиликда назарда тутилган ҳоллар мустасно;
- акциядорлар умумий йигилишининг кун тартибини тайёрлаш;
- акциядорларнинг умумий йигилиши ўтказиладиган сана, вакт ва жойини белгилаш;
- акциядорларнинг умумий йигилиши ўтказилиши ҳакида хабар қилиш учун жамият акциядорларининг реестрини шакллантириш санасини белгилаш;
- жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлап масалаларини акциядорларнинг умумий йигилиши ҳал қилиши учун киритиш;
- мол-мулкнинг бозор кийматини белгилашни ташкил этиш;
- жамиятнинг йиллик бизнес-режасини маъкуллаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъкулланиши лозим;
- ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисботларини эшишиб бориши;
- жамият ижроия органининг фаолиятига дахлдор ҳар қандай хужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу хужжатларни ижроия органидан олиш. Жамият кузатув кенгани ва унинг аъзолари олинган хужжатлардан факат хизмат мақсадларида фойдаланиши мумкин;
- жамиятнинг тафтиш комиссияси аъзоларига тўланадиган ҳак ва компенсацияларнинг миқдорлари юзасидан тавсиялар бериш;
- дивиденд миқдори, уни тўлан шакли ва тартиби юзасидан тавсиялар бериш;
- жамиятнинг захира фондидан ва бошқа фондларидан фойдаланиш;
- жамиятнинг филиалларини ташкил этиш ва ваколатхоналарини очиш;

- жамиятнинг шўъба ва тобе хўжалик жамиятларини ташкил этиш;
- йирик битимлар ва аффилланган шахслар билан амалдаги конунчилик талабларидан келиб чикган холда, битимлар тузиш ҳакида карор кабул қилиш. Бунда жамиятнинг аффилланган шахси билан активларининг киймати жамият соғ активлари кийматининг ўн ёки ундан кўп фоизини ташкил этадиган битим ёки йирик битим тузиш тўғрисидаги карорлар мол-мулкнинг конунчиликка мувофик баҳоловчи ташкилот томонидан белгиланган бозор киймати ҳисобга олинган, мустакил ташки ташкилоти томонидан битимнинг шартлари ўрганилган холда мажбурий тартибда кабул қилинади;
- жамиятнинг тижорат ва нотижорат ташкилотлардаги интироқи билан боғлиқ битимларни конунчиликда белгиланган тартибда тузиш;
- жамиятнинг устав фондини кўпайтириш масалаларини, шунингдек жамият уставига жамиятнинг устав фондини кўпайтириш ҳамда жамиятнинг эълон килинган акциялари сонини камайтириш билан боғлиқ ўзгартиш ва кўшимиchalар киритиш тўғрисидаги масалаларни ҳал қилиш;
- жамият акцияларининг жойлаштириш (ташкил этилган кимматли қоғозлар савдоларига чиқариш) нархини белгилаш;
- жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида карор кабул қилиш;
- кимматли қоғозларнинг хосилаларини чиқариш тўғрисида карор кабул қилиш;
- жамиятнинг корпоратив облигацияларини қайтариб сотиб олиш тўғрисида карор кабул қилиш;
- жамиятнинг ижроия органини тузиш, унинг раҳбарини сайлаш (тайинлаш), раҳбарнинг ваколатларини “Акциядорлик жамиятлари ва акциядорларнинг хукукларини химоя қилиш тўғрисида”ги конунини 79-моддасига ва бошка меъёрий хужжатларга асосан муддатидан илгари тугатиш. Жамият ижроия органининг раҳбарини тайинлаш тўғрисидаги қарор, коида тарикасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.
- ижроия органига тўланадиган ҳак ва компенсацияларнинг миқдорларини белгилаш;

10.4. Жамият Кузатув кенгашининг ваколатларига киритилган масалалар ҳал қилиш учун Жамият Ижроия органига ўтказилиши мумкин эмас.

10.5. Жамият Кузатув кенгаши аъзоларининг сони 9 (туккиз) кишидан иборат бўлади. Бундан 1 (бир) нафари мустакил аъзо ҳисобланади. Жамият кузатув кенгашининг мустакил аъзоси кузатув кенгашининг бошка аъзолари билан бир каторда “Акциядорлик жамиятлари ва акциядорларнинг хукукларини химоя қилиш тўғрисида”ги конунида белгиланган teng хукуклар ва мажбуриятларга эга бўлади.

10.6. Жамият кузатув кенгашининг аъзолари “Акциядорлик жамиятлари ва акциядорларнинг хукукларини химоя қилиш тўғрисида”ги конунида ва ушбу уставда назарда тутилган тартибда акциядорларнинг умумий йигилиши томонидан уч йил муддатга сайланади.

10.7. Жамиятнинг кузатув кенгаши аъзолари сайлови кумулятив овоз бериш оркали амалга оширилади.

Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши керак бўлган мустакил аъзолар ва бошка аъзолар сонига алоҳида кўпайтирилади ҳамда акциядор шу тарика олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

Энг кўп овоз тўплаган номзодлар жамият кузатув кенгашиниң таркиби га сайланган деб хисобланади.

Акциядорларниң умумий йигилишида сайланган кузатув кенгаши аъзоси мазкур йигилиш баённомасида қайси акциядорниң вакили эканлиги ёки кузатув кенгашиниң қайси аъзоси мустакил аъзо эканлиги кўрсатилиши керак.

10.8. Жамиятниң кузатув кенгаши таркиби га сайланган шахслар чекланмаган тарзда қайта сайланиши мумкин.

10.9. Жамият бошқаруви аъзолари ва директори, унинг шуъба ва тобе хўжалик жамиятларида меҳнат шартномаси (контракт) бўйича ишлаётган шахслар ва ушбу жамиятлар бошқарув органлариниң аъзолари жамиятниң кузатув кенгашига сайланиши мумкин эмас.

10.10. Жамият Кузатув кенгашиниң раиси Кузатув кенгаши аъзолари томонидан уларниң ўзлари орасидан Жамият Кузатув кенгаши аъзолари умумий сонига нисбатан кўпчилик овоз билан сайланади. Жамият Кузатув кенгаши ўз раисини жамият аъзолариниң кўпчилик овози билан қайта сайлашга ҳаклидир.

10.11. Жамиятниң кузатув кенгаши таркиби га сайланадиган шахсларга нисбатан кўйиладиган талаблар акциядорларниң умумий йигилиши томонидан тасдиқланган «Кузатув кенгаши тўғрисида»ги Низомда белгилаб кўйилади.

10.12. Жамият Кузатув кенгашиниң раиси унинг ишини ташкил этади. Кузатув кенгаши мажлисларини чакиради ва уларда раислик килади, мажлиса да баённома юритилишини ташкил этади.

10.13. Айни шу жамиятда меҳнат шартномаси (контракт) бўйича ишлаётган шахслар, шунингдек жамият ижроия органи аъзолари жамиятниң кузатув кенгашига сайланиши мумкин эмас.

10.14. Жамият кузатув кенгашиниң мажлисини ўтказиш учун кворум жамият кузатув кенгашига сайланган аъзоларниң етмиш беш фоизидан кам бўлмаслиги керак.

10.15. Жамият кузатув кенгаши аъзолариниң сони ушбу уставда назарда тутилган миқдорниң етмиш беш фоизидан кам бўлган тақдирда, жамият кузатув кенгашини янги таркибини сайлаш учун акциядорларниң навбатдан ташқари умумий йигилишини чакириши шарт. Кузатув кенгашиниң қолган аъзолари акциядорларниң бундай навбатдан ташқари умумий йигилишини чакириш тўғрисида карор кабул килишга, шунингдек жамият ижроия органи раҳбариниң ваколатлари муддатидан илгари тутатилиган тақдирда, унинг вазифасини вактинча бажарувчини тайинлашга ҳаклидир.

10.16. Жамият Кузатув кенгашиниң фаолияти самарадорлигини, масъулияти ва жавобгарлигини ошириш мақсадида кузатув кенгаши аъзоларидан йборат Стратегия ва инвестициялар қўмитаси, Аудит қўмитаси, Тайинловлар ва ҳак тўлаш қўмитаси, Коррупцияга карши курашиш ва этика қўмитаси ташкил этилади.

10.17. Кузатув кенгаши таркиби давлат улуши бўйича сайланган аъзолар фаолияти жамиятда трансформация жараёнларини самарали ташкил этиш, жамиятниң карзларини оптималлаштириш, замонавий харид тизимини жорий этиш ва бошка конунчилик мезонлари асосида баҳоланади.

10.18. Жамият томонидан мулкни бегоналаштириш, уни сотиши шакли ва механизми, жамият устав капиталига учинчи шахслар томонидан инвестиция киритиши бўйича келишувлари (битим, шартнома, меморандум ва бошқалар) мажбурий тарзда жамият кузатув кенгаши билан келишилгандан кейин тузилади;

10.19. Жамият томонидан асосий фаолиятига хос бўлган янги кўчма мулк объектларини сотиб олиш ёки куриш ҳамда хўжалик жамиятлари устав

капиталидаги улушни сотиб олиш, шунингдек, асосий фаолиятидан ташкари кўшимча фаолият билан шугулланиши жамият кузатув кенгаши карорига асосан амалга оширилади.

10.20. Ҳар чоракда ижро органининг хисботини эшлиши бўйича кузатув кенгашининг мажлисларини сиртдан овоз бериш йўли билан (сўров йўли билан) ўтказишга йўл кўйилмайди.

10.21. Жамият кузатув кенгашининг мажлисида карорлар мажлисда ҳозир бўлганларнинг кўпчилик овози билан кабул килинади. Жамият кузатув кенгашининг мажлисида масалалар ҳал этилаётгандан кузатув кенгашининг ҳар бир аъзоси битта овозга эга бўлади. «Акциядорлик жамиятлари ва акциядорлар хукукларини химоя килиш» конунининг (янги таҳрирда) 18-моддаси иккинчи ва тўртинчи кисмларида кўрсатилган масалалар бўйича карор жамият кузатув кенгаши томонидан бир овоздан кабул килинади. Жамият Кузатув кенгашининг бир аъзоси ўз овозини Кузатув кенгашининг бошқа аъзосига беришига ҳакли эмас. Жамият Кузатув кенгаши аъзоларининг овозлари тенг бўлган ҳолда, жамият Кузатув кенгаши Раисининг овози ҳал этувчи хисобланади.

10.22. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида куйидагилар кўрсатилади:

- мажлис ўтказилган сана, вакт ва жой;
- мажлиснинг кун тартиби;
- овоз беришга кўйилган масалалар, улар юзасидан ўтказилган овоз бериш якунлари;

- қабул қилинган карорлар.

10.23. Жамият кузатув кенгаши мажлисининг баённомаси мажлисда иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

10.24. Жамият кузатув кенгаши мажлисининг баённомаси имзоланган қуни жамиятнинг ижроия органига ижро этиши учун топширилади. Кузатув кенгаши акциядорларнинг умумий йиғилишини чақириш тўғрисида карор кабул килган тақдирда мазкур карор ҳакидаги ахборот жамиятнинг ижроия органига кузатув кенгашининг мажлиси ўтказиладиган қуни топширилади.

10.25. Жамият Кузатув кенгаши раиси йўқ бўлган ҳолларда унинг вазифасини Кузатув кенгаши аъзоларидан бири амалга оширади.

10.26. Жамият Кузатув кенгаши мажлислари унинг раиси томонидан ҳар чоракда камида бир марта чакирилади. Заруритга кўра Жамият Кузатув кенгашининг навбатдан ташкари мажлислари ҳам ўтказилиши мумкин.

10.27. Жамият Кузатув кенгаши Жамиятнинг «Кузатув кенгаши тўғрисида»ги Низом асосида иш олиб боради.

11. ЖАМИЯТНИНГ ИЖРОИЯ ОРГАНИ.

11.1. Жамиятнинг кундалик фаолиятига раҳбарлик яккабошчилик асосидаги ижроия органи – Директор томонидан амалга оширилади.

11.2. Жамият ижроия органи (Директор) жамиятнинг ижро этувчи органи хисобланиб, унинг кундалик фаолиятини бошкаради ва оператив раҳбарликни Ўзбекистон Республикаси қонунчилиги, Жамият Устави, акциядорлар умумий йиғилиши ва Жамият Кузатув кенгашининг қарорларига мувофик амалга оширади.

11.3. Жамият Директори акциядорлар умумий йигилиши ва Жамият Кузатув кенгашига хисобот беради.

11.4. Жамият Директори Кузатув кенгаши томонидан тайинланади ва акциядорлар умумий йигилиши томонидан тасдикланади. Директор билан меҳнат шартномасини жамият номидан Жамият Кузатув кенгаши раиси имзолайди.

11.5. Жамият уставига мувофик ёки акциядорлар умумий йигилишининг ёхуд жамият кузатув кенгашининг қарорига кўра жамият директорини тайинлаш, коида тарикасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

11.6. Жамият директорининг хукук ва мажбуриятлари тегишинча Ўзбекистон Республикасининг “Акциядорлик жамиятлари ва акциядорларнинг хукукларини химоя қилиш тўғрисида”ги қонуни ва бошка конунчилик хужжатларида, ушбу уставда ҳамда унинг жамият билан уч йил муддатга тузадиган шартномасида белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор кабул қилинади. Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади. Жамиятнинг директори билан тузиладиган шартномада унинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йигилиши ва жамият кузатув кенгаши олдида берадиган хисботларининг даврийлиги назарда тутилиши керак.

11.7. Жамият ижроия органи сифатида тайинланган (қайта тайинланган) шахс сурункасига икки муддатдан ортиқ ижро органи раҳбари бўлиши мумкин эмас;

11.8. Жамият ижроия органи томонидан ҳомийликка сарфланадиган ҳар йилги харажатлар ўтган йилда олинган соф фойданинг З фоизидан ошмаслиги керак ҳамда бу харажатлар жамият бизнес-режасининг ўтган хисбот давридаги соф фойдага тааллукли қисми кўрсаткичлари бажарилганда амалга оширилади.

11.9. Жамият Директорининг ваколатларига жамиятнинг қундалик фаолиятига раҳбарлик қилишга доир барча масалалар киради, акциядорлар умумий йигилишининг мутлақ ваколатларига ёки Жамият Кузатув кенгашининг ваколатларига киритилган масалалар бундан мустасно. Агар директор томонидан мазкур масалалар ўзбошимчалик билан амалга оширилса, Кузатув кенгаши директор билан тузилган меҳнат шартномани бир томонлама бекор қилишгacha бўлган чораларни кўллашга ҳакли.

11.10. Жамият Директори акциядорлар умумий йигилиши ва Жамият Кузатув кенгашининг қарорлари бажарилишини ташкил этади.

11.11. Жамият Директори мазкур устав ва акциядорлар умумий йигилиши томонидан тасдикланган «Ижроия органи тўғрисида»ги Низом асосида иш олиб боради.

11.12. Жамиятнинг директорига тўланадиган ҳак микдори, хизматларига ҳак тўлаш шартлари жамият фаолиятининг самарадорлигига тўғридан-тўғри боғлик бўлади ва шартномада белгиланган бўлиши керак.

11.13. Жамиятнинг директори вазифаларини бошка ташкилотларнинг бошқарув органларидаги лавозим билан биргаликда эгаллаб туришга факат жамият кузатув кенгашининг розилиги билан йўл кўйилади.

11.14. Жамият кузатув кенгаши жамият директори билан тузилган шартнома шартларини бузган тақдирда у билан тузилган шартномани тугатишга (бекор қилишга), ҳакли.

11.15. Жамият Директорининг ваколатларига куйидагилар киради:

- мазкур устав ва Жамият Кузатув кенгаши томонидан ўзига берилган ваколатларга мувофик Жамиятнинг ишига раҳбарлик қиласи;
- Жамият Кузатув кенгашининг розилигига кўра унинг ишида маслаҳат овози билан иштирок этади;
- Жамият номидан ишончномасиз иш юритади ва унинг манфаатларини ҳимоя қиласи;
- Жамият номидан битимлар тузади, жамиятнинг филиали ёки ваколатхонаси раҳбарини тайинлайди;
 - штатларни тасдиклайди, жамият ходимларини ишга кабул қиласи, улар билан меҳнат шартномаларини тузади, бекор қиласи ва уларга нисбатан интизомий жазо чораларини қўллайди, ходимлар томонидан меҳнат ва ижро интизомини саклаб туришини таъминлайди;
 - жамият номидан амалдаги конунчиликка асосан ишончномаларни беради;
 - жамиятнинг барча ходимлари томонидан бажарилиши мажбурий бўлган буйрук ва фармойишлар чикаради ва кўрсатмалар беради;
 - жамиятнинг ички меъёрий хужжатларини тасдиклайди;
 - ўз ваколатлари доирасида Жамиятнинг самарали ва баркарор ишлашини таъминлаган ҳолда унинг жорий фаолиятига раҳбарлик қиласи;
 - акциядорлар умумий йигилиши ва Жамият Кузатув кенгаши карорларининг бажарилишини ташкил этади;
 - амалдаги конунчиликка мувофик Жамиятда бухгалтерия ҳисоби ва ҳисботининг ташкил этилиши, зарур ҳолати ва ишончлилигини, йиллик ҳисботлар ва бошка молиявий ҳисботлар тегишли органларга ўз вактида тақдим этилишини, шунингдек акциядорларга, кредиторларга ва бошка олувчиларга юбориладиган Жамият фаолияти тўғрисидаги маълумотлар тақдим этилишини таъминлайди;
 - амалдаги конунчиликка ҳамда Жамият ички хужжатларига риоя қиласи.

11.16. Жамият Директори ўз хукукларини амалга оширишда ва ўз мажбуриятларини бажаришда жамият манфаатларини кўзлаб иш тутиши лозим.

11.17. Жамият Директори конунчиликка ва ушбу уставга мувофик жамият олдида жавобгардир.

12. ЯКУНИЙ ҚОИДАЛАР

12.1. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йўли билан амалдаги конунчилик ва ушбу уставга асосан ҳал килинади.

12.2. Низо ва келишмовчиликларни музокаралар йўли билан ҳал килиш имконияти бўлмаган тақдирда улар тегишли равишида суд оркали ҳал килинади.

12.3. Мазкур Устав Ўзбекистон Республикасининг конунчиликда белгиланган тартибда давлат рўйхатига олинган вактдан бошлаб кучга киради.

“Oloy dehqon bozori”

aksiyadorlik jamiyatি директори



А.К.Холжигитов